



Page: 12

Reach: 0

Country: BOSNIA AND HERZEGOVINA

Size: 71 cm2

1 / 1

"Oskarovcu" godina zatvora

D. TOVILOVIC

SARAJEVO - Agim Eljšanin (53) iz Sive Reke na Kosovu osuđen je na godinu zatvora u Sudu BiH zbog organizovanog međunarodnog šverca heroina u BiH.

Presuda je izrečena na osnovu sporazuma o priznanju krivice, koji je optuženi zaključio s Tužilaštvom BiH. Prema presudi, Eljšanin je bio član organizovane grupe koja se bavila švercom heroina i skanka iz Makedonije, Srbije i s Kosova u BiH. Ova grupa, kojoj je pripadao i on, u BiH je u više navrata prokrijumčarila oko dva i po kilograma heroina i kilogram i po skanka, te 400 grama

smjese za miješanje sa drogom radi povećanja njene mase.

Grupa je drogu švercovala od jula do decembra prošle godine, kada su otkriveni i uhapšeni u akciji "Oskar", koju je izvela Državna agencija za istrage i zaštitu (SIPA). Prilikom hapšenja policija je pronašla oko kilogram heroina, određenu količinu supstanci za miješanje s heroinom, odnosno paracetamola i kofeina, te pribor za pripremu i miješanje.

Ovom grupom rukovodio je Ali Lokaj (58) zvani Aga i Aljo, kome se suđenje nastavlja u Sudu BiH. Ostali članovi ove grupe su ranije priznali krivicu i osuđeni na

osnovu sporazuma.

Tako je Hakija Mehović osuđen na dvije godine i pet mjeseci zatvora, a na po 18 mjeseci zatvora su osuđeni Nijaz Muharemi (52) iz Makedonije i Nermin Platinčić (39) iz Sarajeva. Vidak Milić (65) iz Zvornika i Vahidin Dobrača (29) iz Sarajeva osuđeni su na po godinu zatvora.

